

CONVENIO DE COLABORACIÓN ENTRE A AXENCIA GALEGA DE INNOVACIÓN E A SOCIEDADE PARQUE TECNOLÓXICO DE GALICIA, S.A. PARA A CELEBRACIÓN DA SEGUNDA EDICIÓN DO PROGRAMA AGROBIOTECH INNOVACIÓN.

MEMORIA XUSTIFICATIVA

A directora da Axencia Galega de Innovación da Consellería de Economía, Emprego e Industria, **DECLARA:**

Que esta Axencia Galega de Innovación (en diante, GAIN) ten previsto formalizar coa Sociedade Parque Tecnolóxico de Galicia SA, o instrumento convencional arriba referido por un período de vixencia que abrangue dende a sinatura do dito convenio ata o 31 de decembro de 2017

Que o instrumento convencional ten por obxecto:

Sentar as bases de colaboración entre as partes para determinar o marco de colaboración para a celebración da segunda edición do programa do Centro de Excelencia para o Impulso do Crecemento Sustentable da Peme Innovadora Galega: Programa Agrobiotech Innovación.

O plan de actividades proposto para a celebración da segunda edición do Programa Agrobiotech Innovación estrutúrase arredor de cinco actuacións e dunha actividade transversal:



Actuación 1: avaliación e seguimento de resultados das 11 empresas participantes na primeira edición do programa.

Actuación 2: programa de aceleración.

Actuación 3: accións de capacitación transversal.

Actuación 4: II encontro Agrobiotech Innovación.

Actuación 5: lonxa de investidores BIO.

Actuación transversal: oficina técnica.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamentan no seguinte:

- I. Que GAIN é unha axencia pública autonómica encadrada nas entidades instrumentais do sector público autonómico reguladas no título III da Lei 16/2010, do 17 de decembro, de organización e funcionamento da Administración xeral do sector público autonómico, tal e como se recolle no Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos.

GAIN está adscrita á Consellería de Economía, Emprego e Industria e conta con personalidade xurídica propia diferenciada, patrimonio e tesourería propios e autonomía de xestión nos termos que precisen as leis.

Que os estatutos de GAIN lle atribúen, entre outras funcións, a ordenación, planificación, coordinación, execución e seguimento das competencias en materia de fomento da investigación que ten atribuídas a Comunidade Autónoma de Galicia en virtude do establecido no artigo 27.19º do Estatuto



de autonomía de Galicia; a promoción, xestión e execución do Plan Galego de Investigación e Innovación, asumindo a súa coordinación, seguimento e avaliación.

- II. Que o PTG, S.A. é a entidade responsable de xestionar un conxunto de infraestruturas, espazos, recursos, capacidades e servizos destinados a empresas, emprendedores e proxectos que utilizan como ferramentas de crecemento a innovación e o coñecemento. Ademais, mantén vínculos activos de colaboración con Universidades, Centros de Investigación e Empresas, co obxectivo de fomentar as actividades de I+D+i e o desenvolvemento e a competitividade empresarial.

PTG, S.A. achega unha dilatada experiencia no desenvolvemento de actividades que contribúen á promoción económica e ao desenvolvemento tecnolóxico de Galicia. O seu obxecto social contempla o papel como axente dinamizador da I+D+i en toda Galicia e concretamente atribúenselle as seguintes capacidades:

- Prestar á Xunta de Galicia e aos organismos ou entidades dependentes, a colaboración e asistencia técnica necesaria para levar a cabo as medidas contidas no Plan Galego de Investigación, Innovación e Crecemento ou calquera outro plan.
- Fomentar a creación de empresas, o crecemento e a internacionalización, así como difundir o papel do Parque como axente de enlace entre investigación e empresa.
- Prestar servizos e realizar actividades que contribúan á promoción económica, á innovación, ao desenvolvemento tecnolóxico e á creación de emprego en Galicia.

A participación da Xunta de Galicia na sociedade foi autorizada polo Consello da Xunta de Galicia na reunión do 18 de xullo de 1991 na





cantidade de 147.248 euros, non podendo ser a devandita participación inferior ao 10% nin superior ao 50% do capital social fundacional.

En 2015 levouse a cabo a última ampliación de capital, a Xunta de Galicia subscribiu 303 accións pasando a ter unha representación do 50,52% do capital social.

A composición actual do accionariado do PTG SA, é a seguinte:

Entidade	Nº accións	Importe (€)	% Participación
Xunta de Galicia	1518	912.333,18	50,52
Abanca Corporación Bancaria S.A.	1122	674.333,22	37,34
INORDE	105	63.106,05	3,49
Cámara Oficial de Comercio e Industria de Ourense	50	30.050,50	1,66
Concello Ourense	50	30.050,50	1,66
Concello San Cibrao	20	12.020,20	0,74
Confederación Empresarial de Ourense	12	7.212,12	0,40
Unión General de Trabaxadores	10	6.010,10	0,33
Universidade de Vigo	54	32.454,54	1,80
UNIXEST (USC)	54	32.454,54	1,80
Universidade da Coruña	10	6.010,10	0,33
Total	3005	1.806.035,05	100,00

O Plan Galego de Innovación I2C (2011-2015) identificou o crecemento empresarial como un dos principais retos da economía galega e a innovación, como a panca fundamental para incentivar ese crecemento. O Plan fixo especial fincapé en orientar as súas directrices a lograr aumentar a competitividade das empresas galegas que utilizan a innovación para crecer nun mercado cada vez máis global, e prestou especial atención aos programas capaces de acelerar ese crecemento en sectores especialmente



estratéxicos onde Galicia posúe unha potencialidade contrastada.

A Estratexia de Especialización Intelixente, RIS3, marca claramente a folia de ruta das prioridades que Galicia debe coidar para crecer e renovarse, competir no exterior e ser máis eficientes. Todo isto en liña co I2C e co mesmo obxectivo, conseguir un maior desenvolvemento económico e social e a eficiencia nun novo contexto e tamén nun novo escenario da Política de Cohesión Comunitaria para o período 2014-2020.

A Estratexia Galega de Impulso á Biotecnoloxía 2016-2020, liderada pola Consellería de Economía, Emprego e Industria, coa implicación transversal de cinco consellerías máis (Consellerías de Sanidade; de Cultura, Educación e Ordenación Universitaria; do Mar; e do Medio Rural), e a participación de máis de 50 axentes entre empresas, organismos e centros de investigación e universidades; define unha serie de subsectores prioritarios entre os que se atopan a alimentación funcional e o envellecemento activo, os novos produtos e procesos para o sector lácteo, as novas tecnoloxías para o medicamento personalizado, a eficiencia na sanidade animal e derivados e a *open innovation* para o descubrimento de fármacos, aos que se aúna como subsector transversal o das tecnoloxías facilitadoras (*tics* e bioinformática, química biolóxica, xenética, bioenxeñería e tecnoloxías ambientais).

Ademais, define como un dos seus tres eixes estratéxicos o Eixo 2. Fortalecemento e consolidación empresarial, Programa de Actuación B1. Capacitación e competitividade innovadora.

- III. Que o PTG SA, como ente responsable da Tecnópole, é coñecedor da necesidade de apoiar ás empresas innovadoras con alto potencial de crecemento no seu



desenvolvemento, favorecendo a internacionalización, o networking e o acceso a financiamento das mesmas.

- IV. Que co obxectivo de crear un espazo prolífico para o crecemento orgánico das empresas, a partir de procesos de toma de decisión de calidade, o PTG SA en colaboración con GAIN puxo en marcha en 2015 o primeiro programa do Centro de Excelencia para o Impulso do Crecemento Sustentable da Peme Innovadora Galega, Programa Agrobiotech Innovación, para xerar dinámicas de apoio aos equipos directivos das empresas para que desde a valorización do coñecemento, desde a innovación, desde a internacionalización e o reforzamento das súas capacidades financeiras e de management, poidan emprender sendas de crecemento sustentable.

As actuacións do Programa Abrobiotech Innovacion tiveron como obxectivo, a través de accións de aceleración global outorgar ás pemes participantes a mellora nas súas capacidades para:

- Mellorar a xestión empresarial e os modelos organizativos;
- Ampliar a comercialización de produtos ou servizos innovadores;
- Desenvolver novos produtos ou servizos con socios nacionais e internacionais nun marco de innovación aberta;
- Incrementar a capacidade de captación de financiamento privado e público europeo en H2020.



Entre as actuacións no marco da primeira edición do Programa Agrobiotech, encóntráronse:

- Programa individualizado de aceleración para 11 Pemes dos sectores Biotecnoloxía, Agroalimentación e Biomasa coa elaboración por parte de titores expertos de “Itinerarios específicos” para cada Peme, logo da realización de diagnósticos estratéxicos internos de competitividade.
- Programa de titorización e seguimento de resultados das 11 empresas participantes
- Celebración de 9 accións de capacitación transversal para todas as Pemes participantes do Programa asociadas aos obxectivos definidos e con certas actividades abertas ao resto de empresas dos sectores obxectivo da primeira edición do programa.
- Celebración do Encontro Agrobiotech Innovación con máis de 300 asistentes, 56 ponencias de expertos, 132 reunións bilaterais e 28 expositores.
- Celebración de Lonxa de inversores BIO

V. Que como se pode deducir do manifestado nos puntos anteriores, e en cumprimento do establecido no artigo 26.2 da Lei 9/2007, de 13 de xuño, de subvencións de Galicia e no artigo 40 do Decreto 11/2009, do 8 de xaneiro, polo que se aproba o Regulamento da citada Lei, os obxectivos que se perseguen con este convenio resultan de interese xeral para a promoción económica, á innovación, o desenvolvemento tecnolóxico e a creación de emprego en Galicia e está en consonancia cos obxectivos específicos do eixo estratéxico número dous da Estratexia E2i

Así mesmo, dada a especificidade do obxecto do convenio, non procede a realización dunha convocatoria pública para o desenvolvemento das actuacións do mesmo, xa que a



Tecnópole é o único parque científico-tecnolóxico de Galicia, representando o espazo físico de encontro entre o sistema público de I+D+i e o tecido privado, e contando coa experiencia e os profesionais e colaboradores necesarios para levar a cabo este tipo de Programa de formación en excelencia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela, a 22 de marzo de 2017

